

宋
金
元
人
詞

漢泉詞

曹作啟士開

滿江紅 次元復初韻

四十年間問何似古人方略時自笑致身無策療病無
藥世事從來如意少宦情已比當年薄更不須勲業鏡
中看今非昨 眠矮榻登高閣攜短杖斟長杓放屈伸
由已碧空盤鶚較短量長無定論抗塵走俗非真樂算
從前有鐵鑄難成求人錯

水龍吟

用楊修甫學士登岳陽樓韻

岳陽西望荊州倚樓曾為思劉表國亡家破當時豪俊
魚沉鴈渺王霸紛更乾坤搖蕩廢興難曉記闌山縱酒
巡欄索句宿官舫蓬窗小 不畏黑風白浪伴一點殘
燈斜照棹歌明發天光無際得舒晴眺萬里馳驅十年

陳跡數聲悲嘯試閒中想像興來陶寫付時人笑

如夢令 贈道夫二首

學有探奇索妙命有人憎鬼笑難與老天爭寂寞漢陵
周廟權要權要林樾有人清嘯

榮悴本來何處看取岸花汀樹醉眼眩青紅欲問真源
無路歸去歸去風外數聲齊女

酬江月 次王君陽李敏之過龍門韻

洪崖中斷似蜃樓幻出層簷疊脊欲問真源凌絕頂安
得來風羽翮勢利相忘驅馳不憚面背皆京國源泉混
混恍如失右碣石遙想巢父襟懷東溟烟霧裏片帆
如席逸氣崢嶸令老矣惆悵劍門千尺細草平沙繫
羸馬長路無人識家山回首不應猶作行客

醉江月 用子周金司詠雪韻

六花凌亂算神工不用并州刀翦乍密還疎斜復整眼
底萬更千變宿麥連雲遺蝗入地四海愁顏展呼童洗
酌更宜簾幙高捲還念去歲無聊來秋有望仰戴天
行健江上漁人應笑我世路縈迴如篆何日言歸此心
無競茅屋臨清淺滿懷春意坐令寒谷生暖

滿江紅紅次白君舉州倅所寄韻君舉三十年前友
不惶遽酬答聞既除天台恐因
得舊盡於惠泉之側用以叙懷

壯歲分携凝望眼畧無虛日嗟我輩江南江北為誰形
役自愧散才非管鮑遙憐老友真元白況文章之外有
良能安民策談笑興浮雲隔離別恨流年逼試屢歌
雅韻不論呼吸百粵溪山應好在半生萍梗無終畢流

行坎止任天公吾難必

水調歌頭 水復初韻

山林隱君子無意事王侯天戈一日南指多少賈胡留
不效熊舒龜息却羨蠅頭蝸角我亦滯南州十載厭奔
走贏得雪飛頭苦思歸歸未得恨悠悠悠悠身世何
物野渡一橫舟用舍隨時無定得失於人有命誰解曲
如鉤兀坐閱今昔風露一天秋

水龍吟

田史藥房韻

匆匆沙際歸春歸草如絞帶交加翠白雲縹緲四年相
望季鷹歸未拘束微官跟踏俗狀較人閑氣想顛鸞倒
鳳天公不管誰會空中意自要看時撥置問誰家小
欄堪倚雲間公子為能邀致愁懷一洗紅玉擎杯朱鉉

理調偶然成醉父門前俗事催人上馬不堪凝睇

水調歌頭

川崔子由韻

攀鱗年少志未要嘆羲娥人生滄海一粟何在兩飛核
多事蜂衙蟻穴十載蝸蟠縮敷業任蹉跎觸目世途
險舉步強顏多 擔從今陶穎事罷研磨丈夫功名談
笑一曲飯牛歌盡道樵門炙手自是臣心如冰犯露肯
相過袖手待真賞未及鬢生皤

摸魚子

用蔣莊韻

恨人生百年如寄虛舟滄海難艤是非榮辱雲千變光
景算能消幾塵世裏耻婢膝奴顏不覺長歎矣憑誰薦
起望幾處侯門要聞懷抱將進又還止 凝眸處往往
修程萬里飛黃馱紫相比酣歌照檢平生事唯恐老之

將至鎬有耳況識字能言莫負天公意文章信美既不
用毛錐寸長無有尋我泮池水

水調歌頭

和盧仲敬太守

嘗為武林客歡洽快平生誰知分袂江潁西往復東行
今日簿書旁午明日山川遐邈愁恨幾時清回首舊游
地天遠暮雲平鬢雙皤腸百結意何成多應故山猿
鶴笑我尚爭名儘自轟轟烈烈到底休休莫莫何處覓
卿卿夢寐想歸路濡筆寫心聲

南鄉子

二閩四川道中作

蜀道古來難數日驅馳興已闌石棧天梯三百尺危欄
應被傍人畫裏看雨雨握不曾乾俯瞰飛流過石灘到
晚纔知身是我平安孤館青燈夜更寒

十月出秦關竟日悠悠杳靄間直到鱖魚開國地躋攀
行盡千山復萬山歸轡動歡顏江路梅花笑往還推
子候門何日到一作有語癡頑好把虛名付等閒

鵲橋仙

舟行辰沅江中小詞數闋呈建中仰止

杜鵑生訴鷓鴣聲助催上黔陽歸路輕舟短棹泛滄浪
霑兩袖夜郎煙霧雲山如暮灘流如怒石齒漸然無
數天涯愁緒不堪論這光景能消幾度

臨江仙

水出五溪成一派滔滔日夜東流倦乘鞍馬却乘舟向
來危處怯此去險中愁唧唧數聲離岸櫓異鄉身世
悠悠斃教杯酒放眉頭癡兒官事了聊作子長游

又

夾櫓聲喧鷺鷥中流石散牛羊岸邊茅屋半戎菴淡烟
籠寂寞微雨助淒涼吟夢緣山慘綠巖花落水流香離
騷記誦不成章殷勤蘭與芷千古為誰芳

浣溪沙

世態紛紛幾變更天南地北只虛名一簪華髮可憐生
旅食驚心三月到浪花吹雨一舟輕中宵屈指計歸
程

人

解纜西南杳靄間萬重煙水間雲山櫓聲搖蕩五溪蠻
世路看來行欲遍頭顱到此合知還從今猶得十年
閑

木蘭花慢

壽郭仲明益都人

論寰中英氣人盡說古青州看東折滄溟西瞻泰岳南
控營丘千古能稱管宴道而今人物更風流磊落曝書
公子從前從事公侯勲名初不願依劉耿耿運良籌
聽萬里榆揚一門冠蓋三世箕裘屈指瓜期已近願平
生相遇盡卿儔好記壽觴先舉尊鱸江上新秋

沁園春

和復初省郎韻紀仲春信諸名勝游西山
同行都省僚元明善復初行省掾尉遲亨

字消福建同
拱舉毛吉甫

山色湖光宜雨宜晴春來惱人笑勞生強半登臨有興
身司筦庫所向無親馬服車棘鷹隼條鐵也算人間一
度春情無賴怕岸花汀草彈指成塵朋簪契我夫君
吏不管長鬚喜與填任把酒論文且行且止幕天席行
地誰主誰賓敬德猖狂春陵笑傲延壽丹青畫不真歸

鞍好向梅山東下數點行雲

八聲甘州 和鄭澤民

算人生南北何如彷彿過青春似斷蓬飛絮平生懷抱
何處通津惟逢故山佳友終日藉陶薰芬帶淨如此成
與推新 男子十年勲業謾無成一事負却晨昏使功
名都子轉首是非塵又滯此繩營狗苟料山英也笑趁
虛人誰相約重尋故步經理遺文

水龍吟 再和修甫學士

高樓壯觀東南迴然突出千林表月簷明燭風樵蕭更
煙波浩渺蒨還新秋柳谿薄暮桃源清曉慨登臨感慨
悠然引興銀盤內青螺小 自念當時行役願菱花不
堪頻照江山如故中原在眼幾番危眺浩浩洪流茫茫

塵世儘堪吟嘯但優游老景浮湛里閑任邦人笑

本蘭花慢

和史顯甫公水韻畧頌平日所長兼道比年區區之懷老疾互攻苦無佳思祈

相望一笑

羨紫芝眉宇正臺閣濟時人以公是公非知常知變樂
道安貧案前簿書旁午抱丹誠一點伴青春偶遇料條
隱密不辭辦雪殷勤德星今日是鄉隣癯老阻蹄輪
喜陸地神仙山中宰相詞語清新河漢預沾佳釀待幽
花相對樂情真幸有清風皓月何須翠袖紅巾

清平樂

寄徐都司

昨朝謦諾世事真難託旅舍淙淙冬雨惡怎地觥籌交
錯東籬尚有花蓂他時不避慙風傳語徐卿二子佳
原佳兒慰衰翁

清平樂 寄懷初省郎東寄簡希孟文友

情懷渺渺客舍天將曉百慮攻心渾未了不似漫郎多
少 人生傀儡棚中此行那計西東指日雲泥超異重
占口角春風

西江月

西京客中用壽卿路教和雪庵居士并贈趙李二君子詞韻

歸興濃如山色宦情薄似秋光含殘相伴說綱常笑殺
湖中魯望 制用先須府庫興戎必待餉糧世間賈會
深藏勝我追尋影響

鵲橋仙

牛毛胥沒蠅頭文字終日疲神役志何人崑頂坐垂鉤
應笑我徒能鄙事 起家寒士從師夫子不識蒼頭閭
寺夜郎旋轡又平城只把做槐安夢裏

齊天樂

和蔣四清病暈逢秋所作

普天炎赫衣流汗號呼坐根更淺節序推移陰陽代謝
誰敢心懷恚怨冥迷展轉夢遠壑層冰澄江匹練大地
嗷嗷秋空忽散仁風扇此身慣經寒暑喧煩俱淨盡
古壚灰篆屈指交游轉頭零落舉目殘星數點霹靂
電任百計營為亦難周遍日向西山氣機隨吐噀

沁園春

用中丞敬相謝永卿送韻

韻

菊有黃華惠然肯來思量意熟見秋容淡泊寒香馥郁
妖紅俗紫愛惡由分玉露金風豚蹄豆酒不論文尊與
義尊東坡在蜀時以巨竹尺許裁為雙筒號文尊重陽後在黃州聚諸家酒為一巵謂之雪堂義尊
過看匆匆暮景冉冉行雲賓朋相與歡欣況咀嚼頤
精好致神笑量長較短到頭是夢春三秋九夫復何言

江南遊春三秋冠蓋名流措紳處士特贈新詩可以群

從今後但有花即飲卿自紛紛

鵲鵲天 寄莊德溫

六度他鄉指月牙旅懷無日不思家歸來謾讀蘇秦傳
愁比他鄉日更加 貧活計拙生涯幾人曾愛屋頭鴉
一經朱墨纔經漸土銼重親兩部蛙

減字木蘭花 為監司書

乾坤清氣松岳生申名蓋世白簡霜飛不為人間鼠發
機 要期莊算九十春光都占斷平扶南訖管領薰風
入舜歌

糖多令 釋懷寄友人

衰境日匆匆浮生一夢中算愁懷萬古皆同越水燕山

南北來不盡去無窮 萍水偶相逢晴天接遠鴻似人
間馬耳秋風山立揚休成底用聞健在好歸農

鷓鴣天

示次男河南書史履可

斗壘衡門筆硯生清流不棄作豪英宦途始步妨顛躓
人海論交戒滿盈 臨事懼好謀成百年到手是功名
羣雛已逐雲萍散又掛西南一點晴情

鵲橋仙

用呂正學所贈韻

昔居清署今為編戶要做古人襟度儘收風月伴殘年
更豈望當途垂顧 江干徐步林皋歸路不受營營相
汚閑來漸覺日舒長似挽得韶光遞住

定宇詩餘

新安陳櫟

浣溪沙

再汪盤隱

盤隱誰云必太行神交李愿躡遺芳今朝南溪一星光

極

野處襟期尤順適退藏滋味更悠長歌中元說壽而康

清平樂

寄惠山壬戌四月十二日

惠山蒼翠遠與毗陵競彼處錫泉標第二此更鍾奇毓
異年年初度浮觴醉餘新渝茶香山下冰濡雪乳淡
中滋味悠長

又

壽彬齊四月二十八日

清和天氣三英莫猶翠怡喜先生初度至近近薰絲佳
致幾年人物彬彬文華碩實惟均壽宿臨之在上龍

溪文脉常新

西江月 寄汪梅卷御史

御史乘驄剛直廡平僥轡澄清先聲應播五羊城一道
凜然尊敬 巷外疎花破玉枝頭佳實調羹催歸不入
秉鈞衡豈但動公詩興

玉樓春 和金滄洲

新篁搖翠添波綠粧點瑤溪淥一曲青衫司馬緩來遊
卜夜清歡孤繼燭 江心挑杖聊聞來更好著鞭馳駿
足樽前頗有過雲聲方可纖纖扶藥玉

人

庭槐鬱鬱雲屯綠新霽彩移階砌曲麗詞入手可絃歌
想是咄嗟成刻燭 牙籤高閣應難束黃妳有時誇眩

足覺來課讀愛諸孫他日登金仍步玉

臨江仙 次月卿賀生日韻

吾族英才常接迹年來似曉星
稀子言秀逸未嘗庀老
夫拍案起不覺漸舒眉
肯佩次孫欣得與樊川小侄
名宜香分甲午月宮枝各當傳祖鉢
教養願觀頤時奇孫從

學於月卿

滿江紅 賀金子西生日十一月初十日

乾鵲鳴簷殷勤報主人生旦端巧
遇迎長添線的可堪稱
讚律轉一陽葭已動復來七日梅
初綻符義經數近新
棋綿高算 萱春永斑衣綸蘭房
煥琴聲衍益一門和
氣流霞一派泛世澤濟忠貞
貂珥七年登強仕鵬程萬
正小春佳候敬神仙間遊翫

滿庭芳 送陳德翁

標格冲秀聲名洋溢德人泰宇春融一團和氣還與伯
淳同成就燈窗弟子今陞擢論鐫顏功彈冠興依稀貢
應聘教玉宮 公家梅洲老舁比臧晬聲振江東矧說
說胃子得坐春風自此先生外矣班玉笋文補山龍充
德量薰陶宇宙和氣一團中

水調歌頭

賀江覺翁受吉水州判

殿閣微涼迴吹到初書新定知盤谷深處草木煥精神
帝念水紋成吉合得卷阿吉士州政佐經綸綸婉婉幕
中畫行矣細數陳 陳除書至喜氣溢列朝紳志伊所
志將以斯道覺斯民家有青氈鉤軸振武接芳塵自秉
浮溪筆畫錦記逢辰

水調歌頭 壽金滄洲

天遣東萊呂丁巳瑞南州稅侯芳裔如此生歲嬾前脩
樓指六旬踰一過眼流光兩世花甲又從頭浩氣塞天
地吾道付滄洲日未暮宴初列九霞流齊眉偕老如
願桂子播芳猷孫稟箕張雙宿祖付詩書千卷此外復
何求但願延椿算燕喜更貽謀

金菊對芙蓉

壽金桐岡九月二十五日

壽宿騰光壽香裊碧鬱葱枝上梧桐記紱麟令旦門掛
弧蓬今年東閣郎皆侍懷章綬拜捧金鍾榮華富貴眼
前誰似堪展眉峰秋高景物俱濃正堦前金菊巧對
芙蓉愛菊名壽客壽與公同醉霽初瑩凝脂面酣天酒
芳臉潮紅何妨判陰與花雙醉醉似花容

金氏園有
醉芙蓉

滿庭芳 壽判縣梧山先生

樓指中秋齊頭十日後庚玉兔初弦當年此際天怡生
賢自旦駸駸至望清咏永翻勝規圓高掛在碧梧山上
清絕綠生煙懷中梧月炤天知心事銖視貂蟬綠衣
無價寶樂自無邊此去者希近也長生蘇世世相傳慈
萱側金盃滿泛梧月吸年年

滿江紅 送朱姓吏滿歸

只說琳川精吏道恢恢餘地元來是深衣儒者將儒飾
吏傳世四書端實學待人一縣皆和氣及芳辰解賦歸
來真堪醉肩已息心無愧青鬃在蒼顏未符君家翁
子朱買臣年當貴九十月終行驚退三千水擊搏鵬易豈
有材如此不超遷行知遇

水調歌頭 壽朱子章

七十古稀有，令喜見先生。紫陽家學淵奧，場屋舊家聲。
鶚薦西風早歲，豹隱南山晚節。天爵自尊榮。桂子蘭孫，
擁南極老人星。杜陵老多酒債，羨脩齡。豈如壽富兼。
得熊掌與魚并。八十老翁為將九十武公為相，不足為
公稱。鶴算與同文道重，藐公卿。

沁園春 壽張起齋四月十一日

首夏清和，望前三夕，天現壽星。恰先庚三日，釋迦浴佛，
後庚三日，呂洞賓生。慈佛神仙引前導，後來作人間瑞。
世英今耆艾，久提綱諸道，幾萬儒燈。金甌行覆香名，
天再遣留侯佐太平。會榮封萬尺，編符黃石，算綿千歲。
經誦黃庭，從赤松遊足，知雅尚好待他年功。已成如今

且向壽星明處滿捧霞觥

燕石集近體樂府

廣陽宋裝

滿庭芳

汴中寒食

雨意惜惜養花天氣賣錫何處春簫清明上巳車馬正
連朝對酒唱歸時多忘惜花心醉後偏饒凝雲暮青樓
簾捲幾度對魂銷無聊空悵望東關雪牋北郭香飄
夢江南行樂水遠山遙深院宇綠窻啼鳥明寒食寶月
良宵秋千外柳風柔小無力著春嬌

二寒日傷先兄正獻公

魂黯雲山淚零風野轉頭三度清明感今懷舊何事不
傷情文史共梁園書几集盧湓浦燈檠經行處洞庭彭
蠡同載赴瑤京才名人盡羨朝家大宋陸氏難兄但
駕駘小亭少後鵬程丹桂樹何論高下紫荆花早變枯

榮徽哀苦亂峯如樹幽恨幾時平

正獻與子嘗同寓汴中朝元宮一年又嘗汴

客九江值除夕共博而守歲後同歸京師赴舉

穆護砂 燭淚

底事蘭心苦便淒然泣下如雨倚金臺獨立搵香無主

腸斷

封風家相妬亂撲殺驪珠愁有許向午夜銅盤傾注

便不似紅冰綴頰也濕透仙人煙樹羅綺筵前海棠花

下淫淫常怕鳳脂粉粘比雒陽年少江州司馬多少定

誰似

如照破別離心緒學人生有情酸楚想洞房佳會

而今寥落誰能暗收玉筋算只有金釵曾巧補輕濕了

粉痕如故愁思減舞腰纖細清血盡媚臉膚腴又恐嬌

羞絳紗籠却綠窗伴我檢詩書更休教鄰壁偷窺幽蘭

啼曉露

木蘭花慢 題蛾眉亭

喚山靈一問螺子黛是誰供畫婉孌雙蛾蟬聯八字雨
淡煙濃澄江嬋娟玉鏡儘朝朝暮暮照嬌容只為古今
陳迹幾回愁損渠儂 千年翠威漫情鍾慘綠帶雲封
憶賞月天仙然犀老將此恨難窮持杯與山為壽便展
開修翠恣疎慵要似絳仙嫵媚更須嵐靄空濛

人風珂殿脚
女善作眉嫵

望海潮

海子岸暮歸金城坊

山含煙素波明夜綺西風太液池頭馬似游龍車如流
水歸人何暇夷由叢薄擁金溝更蕭蕭宮樹調弄新秋
十里煙波幾雙鷗鷺兩漁舟 暮雲樓閣深幽政砧杵
丁東弦管啁啾澹澹星河熒熒燈火一時清景難酬馬

上試冥搜填入耆卿譜模寫風流明日重來柳下攜酒
教名謳

人月圓 中秋小酌

紅螺香灩金莖露清興溢璇霄玉盤光冷雲鬟霧濕丹
闕煙消 此夜明年明月何似今宵西風喚我瑤階折
桂綺檻吹簫

二 誠夫兄生子名華兒

神州佳麗明光鏡生出王麒麟四筵都愛西山眉翠太
液瞳神人 他年應是鬪雞走馬紫陌紅塵這回休更
燕秦樹梁江灘垂綸

菩薩蠻 送還西憲孫掾還司廷祐已未樂亭縣作

紫髯如戟霜臺掾風生采筆來行縣邂逅海天涯盍簪

能幾時 柳梢春尚冷無物堪持贈為謝幕中蓮殿勤
寄短篇 許可用時在憲幕

二 丹陽道中

西風落日丹陽道竹岡松阪相環抱何處最多情練湖
秋水明 驛城那憚遠佳句初開卷寒鴈任相呼羈愁
一點無

三

衛州道中至元四年十月與八兒
思不花御史同行按行河南四道

兩歧流水清如酒草根風颭冰皮皴雪霽太行青聯鑣
看畫屏 按行多雅致解起澄清志四首五雲天東華
塵似煙

四 偃師道中

北芒古冢紛無數崔嵬羅列成山阜何處斷碑橫無人

知姓名 今頃如蟻蛭回首成磨滅今古兩堪哀停時
酌碧苦

春從天上來 壽張惟健五月十六日

帝勅朱明擁丹穴仙維表端升平天上公子齊岱精英
玉樹照映神京眇翩翩紉袴有誰似間氣玄成妙才情
擅鍾王筆意韋杜詩聲 薰風黑頭初度笑時世紛紜
舞雪歌鶯燕子簾櫳葵榴庭院天壤至樂難名邈軒裳
奕世青雲步紫綬華纓八千齡看綰衣父子赤烏公卿

自號至樂齊

二 至元六年庚辰元日立春將為山南僉憲按
部至應城縣作此詞奉寄許可大參陳景懷

憲副

旭日暎爛春餅堆盤壽酒盈尊玉帛交錯襟佩翩翩翻想

像虎豹天門霽蓬萊雲氣布淑景漸遍乾坤黯消魂杳
洋洋韶華起雲韉升平萬方元會念去國孤懷感事
誰論黃閣儒臣烏臺舊客曾是執法調元望蒲駮小邑
纔咫尺寂寞山村撫嬋媛料梅邊傾倒回拜天恩

賀新涼

壽劉時中五月二十八日

繡陌經新雨致升平五絃琴裏薰風吹戶爽館升沉晨
容好寶鼎紅雲香霧還又是通仙初度疇昔駭鸞騎赤
鳳遡西清佳處凌霄步天壤外快豪舉遨遊久作去
湖山主百十回笑談詩酒盤桓容與未信星星能侵鬢
青鏡流年如許畢竟到廣寒天府多少文章具事業鶴
南飛自愧無佳語弦寶瑟勸霞醕

二

徐復初池亭聽軒至秘辛百子時將之湖南

銀竹能宮羽向荷盤跳珠腦膊花奴羯鼓瀾瀾冷冷春
泉江滴盡槽頭香醕爰薇外遺音太古暗度松筠時漸
涯恍吳娃普枕傳私語君試聽有佳趣主人未解離
愁苦對涼秋芭蕉巨葉梧梧桐高樹夢斷羅衾天如漆
一寸鄉心淒楚點點是寂寥情緒明日孤舟成獨往更
難堪長夜瀟湘浦憑曲檻且容與

虞美人 寄壽周子善二月十一日

暖風金鼎香醕醺想像人如玉天南地北兩心期爾汝
忘形如願定何時夫君政自草臺柳壽相人希有吟
餘時復飲丹砂何必求仙還訪稚川家

武陵城中有丹砂井里人相傳

飲之者壽周武陵人也

二 福州北還北雨中觀梅

十年久共梅花別乍見殊佳絕臘前風景雨中天翠竹
蒼松恰似映清妍繁枝開遍香成陣觸目忘離恨玉
人誰使似冰肌酒罷歌闌一向又相思

綠頭鴨

送張仲容過維揚候之錢塘結婚
正月二十日出京是其壽日也

緩援鞭銷魂橋上留連恰春波鴨頭新綠倉皇便買吳
船就華堂溶溶壽酒作去聲繡陌草草離筵傾蓋論交分
袂怨別春風秋月僅經年都門道紛紛輕薄餘子政堪
憐夫幽君妙心期湖海意氣雲天便明朝拂衣徑去
天涯幽恨無邊暮維舟沙鷗颺雪春市酒淮柳垂煙綠
水迢迢青山隱隱浙江雲擁洞房仙對西湖煙濃雨淡
少少占芳妍歸來好扶搖九萬水擊三千

望月婆羅門引

江上晚泊

短衣烏帽京塵眯目強鑽頭夢中八表神游今日江山
佳處便欲賈胡留愛峯嵐滴翠天水涵空斷霞漸收
見隱隱雨蛾愁好在九華煙樹秋浦沙鷗相看依舊但
憔悴潘郎俗狀差孤負却嘯遊林丘

水調歌頭

寄歲夫兄在江南作時兄在史館校書先朝寶錄

登車就長路曉日照皇州風吹紫荊花落那更別離憂
咫尺天南地北想像雲窻霧閣人在古瀛洲粉筆校書
罷烏帽拂塵遊出銀臺心浩浩思悠悠人間萬事姑
置食邑素封侯收檢金鑾遺事記取玉壺清話此外何
求勲業好看鏡綠鬢不禁秋

蝶戀花

青田舟中

無數好山攢碧樹山下郵亭下牽舟路山色娛人相指

顧時時又被灘聲妬 寒食光陰容易度雲去雲來那
更商量雨強把羈愁排遣去尊酒盡青山暮

二 河內王幹臣號竹溪

門外紅塵溪上竹竹似琅玕溪水清如玉溪上主人情
不俗多應每食能無肉 千載高標成倏忽六逸飄然
為君追_迎邂逅莫向溪邊問濯足我知孺子歌難續

清平樂

武陵客舍小酌與田父相對醉聞農師子嘉諸人方飲他所歡甚

范臺竹塢對雨羅尊俎邂逅田翁同笑語問訊村墟禾
黍酒徒咫尺高陽粉營狎坐飛觴一種麴生風味不
知誰弱誰強

二 車廐道中

青松烏柏寒食來車廐滿目山明仍水秀忍聽玉驄馳

驟小橋掩映山莊酒旗搖曳林塘好在鶯湖春色笑
人不暇飛觴村舍酒帘書鶯湖春色蓋酒名也

如夢令

題楊補之墨梅卷中有他
詩有思寒背蓬立之語

常記剡溪前度坐柁船窻窺戲棹進任舟移行盡粉香
千樹有佳趣佳趣蓬背詩人何處

浣溪沙

崑山川城西小寺晚憩

落日吳江駐畫橈招提佳處暫漸道遙海風吹面酒全
消曲沼芙蓉秋的小山叢桂晚蕭蕭幾時容我夜
吹簫

二

壽雨陽周文卿八十

生長升平鶴髮翁兒郎衣綵照方瞳晨昏甘旨鳳城中
緩步不須鳩策杖酡顏時藉蟻杯烘懶將身世應非熊

三冬日喜晴

萬瓦輕霜愛日明游絲來往似春情
幽禽弄暖百般聲
斑竹翻作經夏籜綠池酒泛過秋萍
溪橋誰共探梅

行

風流子

至元四年七月廿二日蘇伯修竹郎舉

雲步雲者方成重就傅過求微吾兄制名遊命之
曰來雲繼微詞以紀筆賦此以贈兄已滿彌月矣
侍郎作湯餉會州
書呈席上諸公

紺宇瑞烟浮仙童小高舉覓真遊霞綯九光徘徊若木
日宣五色照耀瀛洲人爭睹翔趨絳闕天矯上崑崙幾
度駭鸞蛾眉東畔有時跨鳳恒嶽南頭何事暫夷猶
儘青冥遠覽碧落奇搜不數熏香嫌媚傅粉嬌羞笑襁
褓檐榆人間羊祜桑弧蓬矢地上齊州剝費通家小字

袁宏公侯

行香子 京山道中

竹院松庭犬吠雞鳴被田家畫出界平園林掩映鞍馬
經行帳暮天低寒日淡晚風輕 浮世浮名役使神形
靈時問鬢變星星不憂不懼無辱無榮愛水邊漁林下
隱隴頭耕

二 暮抵應城宿縣齋後閣

柳葉風乾柏葉霜殷淺坡陀路徑回環喜投公館暫卸
征鞍對竹簫森松夭矯菊爛斑 歲晏天寒誰共清歡
過黃昏愁恨多端燭花漸暗爐火將殘更鴈聲哀砧聲
急雨聲繁

減字木蘭花

憲掾黃君美弄璋援蘇伯修侍郎例
乞名其子名之曰升聖時二月六日

壽序
醉賦

春空靄靄兒解飛騰窺五彩我製佳名異姓佗年叙弟兄
我鬚_白亦願兒年如我老緩步徐行終到蓬萊
最上層

南鄉子 觀雲

紺碧峙晴空態度分明巧不同
樞具神君三四輩乘龍
冠佩翱翔赴紫宮
樓觀遠玲瓏舞鳳蹲貌刻鏤工一
笑斜川癡老子奇峰便入南窗詩句中

二月廿又八日君美弄第二雜
仍前例名之曰凌雲賦此以贈

頭玉太硤硤江夏無雙世胄遙好是三生仙骨重叢霄
曾侍玄君絳節朝
咫尺趁扶搖直上鵬程悅斗杓他
日揮毫能作賦飄飄學取賊都駟馬橋

三至元六年九月十四日李重山憲到壽日是日適臺使費通書與諭風憲至山南遊大安合樂

重山號梅亭主人所居官舍即舊木屏序久扁杏宇

桂宇散秋香咫尺梅亭十月陽紅葉黃花風致好華堂
不比尋常進壽觴 瓊詔榮龍光百丈蒼官丈霜信是
天恩寬似海倘佯就趁笙歌入醉鄉

踏莎行早春景陵道中兼自陰晦

野燒回青溪梅褪粉路傍新柳鶯黃嫩連陰未放碧波
明峭寒尚阻東風信 伊軋肩輿飄蕭蓬鬢病餘懷抱
無風韻彩牋何暇寫閒情綠尊無分排孤悶

點絳脣河陽道中

澤國春生筠田青接重湖淺鴛鴦弄暖得意煙波遠
陰過元宵晴望花朝轉和風扇羣芳開遍應過京山縣

鷓鴣天

題應山縣城南波蟻橋橋東數步法興寺即二宋讀書處

十萬玄駒過雨堤一隻丹鳳上天池科名已向生前定

陰德仍從暗裏窺龍虎榜鵲鵲詩同胞同甲照當時

同宗盛事嗟微異後折蟾宮向下枝

先兄正獻公至治辛酉狀元子則泰

定甲子第三
甲十二名

摸魚子

至元六年二月望日登安陸白雲樓樓今為分憲公廨城中有楚大夫宋玉故宅與

池其井名琉璃井有蘭臺故基

屹危闌郢都西北滔滔漢水南去蘭臺陳迹何從訪廢

宅芳池凝竚愁絕處空只有琉璃簪井龜聲聚千年遺

緒邈白雪宮商雄風襟量恍惚可神遇英靈在應念

諸孫鹵莽斯文微福如許蕙肴蘭藉椒漿奠屈景幽魂

同赴驚節序却邈迨春深不識悲秋苦撫今懷古設醉

墨淋漓狂歌悽惋和者應無數

西江月

贈別王伯修

烏石驛中長夜小金山下新年淮
城蕭寺夢秋天十載
三回相見今日漢南官舍光陰不得留連何時文酒
再團圓莫待白頭皺面

瓢泉詩餘

朱晞顏

浣溪沙

湘管

娟娟

弱風

鳳銅

霜毫楚楚醉猩英就中心早可人情

漸老江海無好夢輸他年少意縱橫只堪閑寫換鶯

前調寄贈

銀海清泉沉玉杯恰翦白酒冷偏宜水林檎嫩折青枝
爭看使君長壽曲旋教法部太平詞快風涼雨火雲
推

菩薩蠻

鳥洋觀魚

鯉鰱

已向天池徙淺濶凡曹爭凡水莫信鼓風雷俱堪

作鱸材

輕舸風送捷觸網黃金裂誰謂我非魚知吾

魚不如

前調 寄友

鄉關^關散盡當年客
春風寂寞花無色
長日掩重門
江山眼外昏
畫圖高掛壁
嵩少參差碧
相見卧雲人
松黃落洞門

前調

芙蓉紅落秋風急
夜寒紙帳霜華濕
枕畔木瓜香
曉來清興長
輕舟清簫笠
短棹溪光碧
去覓謝三郎
蘆花何處藏

太常引

送樂清宗晦
山長陳補賢

青山結髮聚秋螢
三館早蜚英
出為主宗盟
總祖述吾家考亭
相逢臺下卧
看秋雁一笑暮潮平
驛路柳青

青問底事春風世情

柳梢青 客懷

狂踪怪跡。誰料半老。天涯為客。帆轉霜風。船隨江月。山
寒波碧。如今著處添愁。怎忍看。參西雁北。洛浦鶯花。
伊川雲水。何時歸得。

月中行 進補奉汗錄
事母夫人壽

廣寒折得桂枝迴。娛母惜多才。九重春色錦江來。齊勸
九霞杯。玉堂有客移宮羽。歌詞麗。總是詩材。我慙弱
水。隔蓬萊。幾許碧桃開。

南柯子 龍門
汲雪

遠脉通蛟穴。清泠瀉蒼苔。磚爐相對竹房開。客我籠頭
紗帽。白雲堆。碧澁中濡雪。金沙二月雷。甌巵十里走

黃埃嗟爾蒼億萬墮顛崖

唐多令 中秋

涼影下青鸞。晴空瀉素盤。漾玉壺千頃多寬。老桂散香秋露淨。霜兔瑩骨光寒。老子倚闌干。不辭終夜看。有誰人共此清歡。為問姮娥今與古。能幾見。正端端。

臨江仙

堪笑一場顛倒夢。元來却似浮雲。塵勞何事最相親。今朝忙到夜。過臘又逢春。流水滔滔無住處。飛光忽忽西沉。世間誰是百年人。箇中須著眼。認取自家身。

蝶戀花

挺挺雙清臨淨練。羽珮飛來。頗覺遊情倦。獺隨新痕開半面。前時一似湘皋見。流水回雲春不艷。怕有生香

引得蜂兒健淨几明窗斜日轉如今不許幽蘭占

千秋歲

壽王推官母九十
一是日小寒節

嫩水池沼澤國寒初峭梅乍折春纔早朱門歌管矗絳閣
沉烟裊歡宴處神仙一夜離蓬島九十過頭了百
歲看看到須聽取千年詞人誇娛母妍我覺彭殤少強
健在看兒歷遍中書考

驀山溪

西真姊妹只這梅花是乘醉下瑤池粉胭脂何曾梳洗
冰姿素艷無意壓羣芳獨自笑有時愁一點心難寄
雪添蕊珮霜護盈盈淚塵世悔重來夢淒涼玉樓十二
教分香去說與惜花人雲黯淡月朦朧今夜誰同睡

洞仙歌

慶張閨繼
管母八十

人生八十是世間中壽七十由來古柿有沈君侯已樹
開國殊勲曾異數周魯瞻前拜後 玉麟分上瑞千里
傳謹鸞詰金花爛晴畫象服照青春秋香薦北堂卮酒
問阿母西池底市時來試為數蟠桃幾番開否

魚游春水

壽徐仁靜其
婿樂魯常

蘭室餘香蘊射雀屏深清畫永紅旌微動簾展浪花移
暝重碧先拈翡翠杯戲綠低窵鴛鴦錦人在藥宮春生
蓬境 盡說而翁少穎記得遺環故時井而今猶自風
流朱顏綠鬢百年應惜銅仙在九里爭傳清河潤山分
壽兮以仁能靜

掃花游

送人

津亭柳色正舞翠毵毵亂侵歌袖驪駒競東門祖席賓

條歟舊白髮青衫愁絕風流去後黯回首但夢繞藩垣
簾影清畫遺愛曾未久聞里役均輸力排豪右喧傳
萬口道調元贊化是經綸手鼎鉉虛賢分內功名信有
事非偶看金甌姓名還又

慶宮春

送袁仲野
歸紹興

絲筆傳歌青衫提劍幕中誰似風流使檄聯芳賓筵接
武後塵每繼清游曉雲春夢試回首星霜再舟仙曹書
滿薦剡交推一鶚橫秋扁舟乍可夷猶一鏡平湖數
點輕鷗醉客疎狂騷翁豪放二公同是朋儔仕而猶隱
料出處胸中已籌故山雖好未許歸來一賦休休

滿江紅

壽佳官焦元
搖慶六十

風鶴翩跹記昨夢天錫九齡從頭數再周甲子屈指天

星上界仙人足官南人間歲月自崢嶸慶明時生甫又
生中維岳靈珠盈掌金滿籬浮瑞鴻轉春鶯是乃翁
陰德心事分明筆下萬言多活國胸中三尺久持衡慰
朱蘇為雨福蒼生騰頌聲

前調

彈鋏歸來更誰歎有肉無魚念良夜向闌相對舊歡難
續一夕乍寒秋枕夢十年重剪西窗燭算人生得意待
何時蕉隍鹿樽有酒妻堪熟書挿架兒能讀傍虛簷
翠雲低亞萬竿如束數點蒼山遙入戶半篙春水斜穿
屋使門前車馬寂無人從教俗

滿庭芳

和趙仲
收詠雪

剪水飛花裁衣作絮龍宮不管嚴寒斜侵風帽吟鬢忽

衰殘誰念梁園倦客黃金盡作賦才慳
流久寒欺敝褐猶事馬蹄間
兒時曾縱獵呼鷹野外落雁雲端霜
隼濕遍紅騫倚馬歌酣秦妓紫貂暖
不上裘船今滯暮翩翩孤劍寂寞渡秦
乾

寒壓衾綢光搖書幌夜深香夢初殘
細聽窻戶簌簌響春蠶風勁時時墮砌
分明認出溜潺呼童起疎梅耐冷修竹
報平安曉來擁被看閑庭舞鶴古瓦迷
鸞待戲挽銀河飛步天壇只恐瓊瓊樓
玉宇最高處憑君問九關虎豹香案五
雲間

桴拙爐寒梅花帳矮篝燈愁坐更殘
欲眠還起身已怯吳蠶夜靜珊珊入竹
依稀聽石上清溪遙知道東皇賦瑞和
氣滿長安明廷多俊產清班振鷺健筆
翔鸞笑

兒女才卑空占吟壇奇絕鄒梅賦詠玉蟾冷宮袖呵寒
君知否玉堂清近終不似人間

漢宮春

賦呂子敬
梅齋月

梅與月兮問香雪秋影幾度黃昏相逢驚詫說盡京洛
緇塵空山耿耿鎮無言色笑相親應頓悟風前笛裏三
生石上精魂一自心盟重訂便神交契合隨寓吾真
蕭然水邊林下烟清輝冠玉美丰神應酷似家傳清白
正獻前身

八聲甘州

題西山
九氣樓

向清青泥坊底午橋邊新買屋三間有嘉蔬半席修簷
數箇分占寬閑着取層梯直上闌檻出高寒不見終南
徑惟有西山門外紅塵似海待持袖抽手版同擬君

看對薰爐茗椀。風縱雄談笑當年多情王粲賦終非
吾土淚空彈任俗子卧之樓下那許躋攀

天香

壽桂金堂
竹泉總管

碧玉橫陳黃金細屑天然畫堂風景古月浮香冷風度
曲不許一塵侵近沉沉永夜漾水色窻軒秋淨如識巖
前氣韻端知歲寒心性繁華謾誇紅紫顏色直宜相
並縱有交承梅菊也應推遜自是蟾宮仙種儘消嬋得
嬋娟伴清影為乞姮娥雲階驚嶺

聲聲慢

賦柑花

濃滾微露熏骨濃分清暑絕點珠璣不夢風寒繁艷自
有冰肌儘任蠻烟瘴雨向炎洲偷換朱衣情綠短絕無
芳夢飛度江師猶記傳來纖手藹香茗三日賞遍吳

姮娥縱使馨兒妖麗誰與心期傷情墜樓恩重忍塵沙玉
塵珠遺餘韻在返清魂環珮夜歸

東南第一枝 送人

曉渡呼雲秋山訪雁吟情先趁鄉夢暖風輕約行塵草
色一川翠湧元戎小隊隘紫陌簪纓光動看碧油沙際
陳兵玉勒柳邊飛鞚陪密幄折衝需用贊上幕典刑
增重發硎初試牛刀儲才正須葯籠清時異數有天外
好風吹送想驛亭酬筆風流應憶剪燈曾共

桂枝香

馬壽馬宣
差缺桂

何年月地有白飛鳳來與秋遊戲碎屑黃金綴綴暗蒼
沉水如來粟界開全未真著得許多清氣飽諳風露自
應韻色獨高人世更不羨犀帷富貴羨鷺峰前度秀

分雲彈壓西風誰數錦英華麗幽芳素抱巖栖志笑當
時滿門桃李等閑乞取長生妙訣廣寒宮裏

木蘭花慢

送陳國材
都目

拂溪籐香潤絨翠墨寄深情憶月滿簫臺春回炎海驛
騎宵征相思頓成春夢恰芳洲接武叙前盟愧我弓刀
分伴多君案牘勞形佳祥賓佐喜逢迎曹局賴經營
更尊俎談諧丰襟清曠逸思縱橫正好相依晚歲忽歡
傳梅菊已交承租喜分攜不遠春來把酒江城

前調

陳伯永竹院有題
山題局名公留題

信吟筇節處儘可款箇人家見碧甃橫陳粉墻低亞亂
銷煙霞森森萬竿如束倚虛簷風影自交加一點塵無
几硯十分清到窻紗堪嘉玉立瘦穿沙池色淨無瑕

向良夜移床靜臨書帙閑試茶瓜明月清風仍好但秦
宮染苑遍棲鴉零落殘香秀墨春衣拂遍苔花

齊天樂

蘭門寒食

青烟一夜傳宮燭朝來管絃都試寶扇傳歌銀餅索酒
柳下驕驄曾繫吟紅嫵翠任拷棖量珠伴春俱醉不道
無情花殘春老頓容易人生幾何適意甚前時風度
今番情味楚褐凝塵淺牋封淚愁在雁鴻聲裏情絲恨
綺儘付與風簷燕兒論理不似流紅解隨東去水

前調

與周可竹會飲和韻

浦潮迎送朝還暮忽忽燕鴻來去北牖分茶西窗剪燭
離合人生有數狂朋怪侶記籌酒勾吟幾回凝眸絮影
蘋香夢中猶是少年路詞華令度尚在奈相如漸老

無計重賦露底冰絃梅邊玉麈留得風襟如故惜高萬
古想脫劍呼尊氣吞寰宇不管春山子規啼夜苦

畫錦堂

壽孔竹所

朱戶粘雞鈿釵簇燕恰頌三日王春記得當年佳夢始
紆祥麟杜陵天近衣冠盛謝庭春暖蕙蘭馨人多美青
鬢未饒恩袍春色光凝佳音須側耳聽報取日下蜚
聲繭紙塗鴉天上寶墨猶新蟄雷先奮三冬暖便風終
快九霄鵬君須念早晚小儒終期一報平津

渡江雲

題鄭天趣三湘集

渺寒雲萬里孤舸載雪逐雁渡三湘倦游頻選勝舞劍
延年貰酒過滕王清泉自酌秋草合賈傅祠荒算都是
傷心弔古和月貯吟囊難忘雪邊梅屋雨底蓀房料

裁雲縫霧應自有知心老姬相與平章澧蘭沅芷曾親
擲返醒魂猶帶騷香看未足漁歌人起滄浪

念奴嬌

倦懷無據憑危欄極目寒江斜注吳楚風煙遙入望獨
識登臨真趣晚日帆檣秋風鐘梵倚遍婁東柱興來攜
手與君更上高處隱約一水中分金鰲帶甲力與蛟
龍拒擬訪臨臬清夜鶴誰解玻仙神遇斷壁懸枹驚湍
逝月總是無聲似勝遊如歸大江依舊東去

水龍吟

簡周晴川教授會飲和韻其
兄晴山有吹壩吹簫詞藁

一春刺雨慳晴悶來闌檢床頭歷農占應候今朝甲子
初開霽色草徑泥融柳橋勁風尚妙吟策有幽軒水靜
官窰春透儘可一觴閑集重碧滿浮雲液奈長歌此

情無極就弄灰錯頃虜迭奏席珍連璧列屋修蛾主家
陰洞謾然傾國任魂醉直到蓉城待問似他丁石

喜遷鶯

永嘉思遠
修端干

香塵盈篋是舊日賜朱宮羅香雪服艾衣清浴蘭湯暖
輸與箇人娟潔性巧戲拈針縷感得虎兒獐劣鬢丰髯
貼朱符翠篆同心雙結愁絕追楚俗獨吊湘纍日映
沉蕸葉綵鷁浮空鳴鼉貼盡十里翠紅相接謾有倚空
欄檻誰把珠簾高揭歸去也聽扣舷兒女尚傳歌闋

宴清都

錢謙益
火林君瑞

試倚江亭權來報執手問君歸計何早賓條攀挽元戎
舉辟正堪談笑青山衫兩見書考且暫屈致身未老料
鷗鵬須奮天池驂駟寧戀芻草堪誇健筆揮斤長材

破的積案如掃霜臺器重蘭省優容十連儀表平生不
在溫飽但行志功名儘了便歸來說似海花清樽細倒

大聖樂

至日興周時
川兄弟會飲

霜護庭鸞春生爐獸早梅初破喜至景漸覺迎長刺綉
五紋贏得兒女情多老侵尋愁添歲月儘門外今朝無
客過慵身在且應時內祐淺酌高歌 人生有幾勝選
苦不勝千金換翠娥便次公酌我公榮如子奈此歡何
霜竹噴雲風瓢激樹得似墮篴清意呵休銷眉問朱顏
去了還更來麼

過秦樓

客中
端午

水碧紗厨月圓紉扇悄悄午牕曾共祛愁楚艾照眼安
榴節物把人船送無奈長晝如年鶯趁吟情蝶迷鄉夢

悵歸期多誤。暮雲凝望，亂愁如葦。誰念我、悶對驢經
幄。尋遺譜。冷落赴湘瑟。弄醒魂、正渴簫碧。初乾買健聽
人呼。粽不似歸來故園同泛香蒲。頻傾春甕。儘痴兒、駭
女齊唱湖樓興動。

蘇武慢 寄贈

枕海山橫。陵江湖去。雉蝶秋風殘照。開明尋桂子。試聽菱
歌湖上。挽來涼好。幾處蘭舟採蓮遊女。歸去隔花相惱。
奈長安不見。劉郎已老。暗傷懷抱。誰信得、舊日風流。
如今憔悴。換却五陵年少。逢花倒躲。遇酒堅辭。常是懶
歌。塘笑除奉天威掃。平狂寇。整頓乾坤都了。共赤松拙
手重期。明月再遊蓬島。

賀新郎

壽清尹
新從軍

縣古槐成幄香泥香紫紅墮雨半簾花落一夜江皋黃
攢雨萬頃綠雲噴薄聽四野田歌歡樂堂琴聲堂下水
畫庭空自下風簷雀喧競少儘不惡竹窻著淨巾斜
著傍筠軒閑嘯嘯戲舞翻霜鶴裴兒藤床憚玉麈風丰
骨稜稜如削烟一段清冰秋壑待得河陽桃李滿向雪
堂細訂梅花約須喚我共酬酢

前調

歸雁送劉李和韻

雲影低平楚看翩翩離羣避暖去尋孤戍猶記登樓看
瘦字零落西風無教把往事書將空處乍別榆關秋夢
迴向江南睡足涼雨天欲喚雪初雪絮江空歲宴衡
陽度儘冥冥稻梁謀拙弋人何慕行斷鷺飛悲吊影誰
念嘹風最苦算只有天涯羈旅莫聽城笳迷去翻被落

花飛絮相縈往輪海燕笑遲暮

哨遍

題生忘齋

一室退藏隱几坐觀默會人間世唯虛集抱一自齋心
默聽明形骸之外回益矣冥然如喪吾志烏知禮樂非
仁義彼造物何知息黜補剝徒勞巧任私智但忘年忘
義樂天好惡多忘物皆齊鰭與魚游鹿與麋交將無同
異噫請試言之彼知忘此此忘而海上多矰繳翁鷗
兮兩忘機想蝶夢莊周周迷蝶夢蘧蘧自適無非已便
是是非非非非是由來非馬非指我而今魚兔都忘
已又豈知筌蹄為得計問臧穀忘亡羊何累塞翁得馬
奚喜得失成何濟頓忘世味簞瓢陋巷樂以忘其憂耳
便教有酒也忘歸任忘形相汝相爾

一萼紅 窗梅

玉堂深正重簾護暝窻色試新晴苔暖鱗生泥融脉起
春意初破瓊英夜深後寒銷銷鋒絳蠟誤碎月和露落
空庭暖欲調香冷侵芳夢一餉消凝長恨年華婉婉
被柔情數曲抵死牽縈何事東君解將芳思巧綴一斛
春冰那得似空山靜夜傍疎籬清淺小溪橫莫問調羹
心事且論笛裏平生